

Nossa raspada



CORPORAZIUN
EVANGELICA
VALSOT

E sta allegger pervia da tuot il bun cha'l Segner, teis Dieu, ha dat a tai ed a tia chasa, tü e'l levit e l'ester chi dmura pro tai. (Dtn 25,11)

Allegra!

Na tuots han radschuns per star allegers, na: minchatant nu vaja sco chi's giavüschess. Ma quai chi fa star stut, es ch'eir quels chi vessan motivs avuonda per star allegers, nu muossan quai adüna. Minchatant s'haja bod l'impre-schiun chi tocca pro'l bun tun da nos temp da plondscher almain ün pa. Schi nu fa mal ninglur, as poja adüna amo protestar cunter l'ora spaccata o almain conclüder chi's vain minch'on ün on plü vegl. „Ma sast, quel sta be bain, sch'el po rögnar!“ as doda forsa a dir ad inchün. E scha quel plondscha, schi lura less eir eu am far dudir...

Ma il vers biblic cità survart, pensa vi da l'incuntrari: dain bada al bön cha nus passantain, vezzain ils magöls mez plains e na mez vöds! Schi'd es pussibel, partin nossa furtüna cun noss struschs, ma eir cun esters e regalain uschè ün pa daplü optimissem al minchadi da nos muond.

Cun cordials salüds,

rav. Christoph Reutlinger

Pravenda evangelica

7559 Tschlin

tel. 081866 32 62

www.valsot-ref.ch

Cults divins favrer 2026

Dumengia, ils 1. favrer

09:30 Ramosch

11:00 Tschlin

rav. Christoph Reutlinger

Dumengia, ils 15 favrer

09:30 Strada

11:00 Tschlin

17:00 Samignun

rav. Christoph Reutlinger

Dumengia, ils 22 favrer

09:30 Ramosch

11:00 Vnà

vicara Romana Giossi

Giantar cumünaivel a San Niclà

i'l caffè sper l'En

Mercurdi, ils 25 favrer a partir da las 12:00.

Per plaschair s'annunzchar pro Cilgia Etter: 079 530 70 58

Tanter anzas e plets – temp in cumpagnia

Cun o sainza lana: Tant il profi sco eir il principiant sun bainvgnüts per passantar ün davo-
mezdi pachific in buna cumpagnia.

Venderdi, ils 20 favrer 2026, a las 14:00 ill’ustaria Tschlin

Cur cha’ls mans lavuran, dvainta il cheu plü quiet. Cun far lavurs a man as faja impissa-
maints i’l ritem d’anzas. Forsa pensaina plü cler cur cha nus fain lavurs a man?

Eu m’allegri!

vicara Romana Giossi